



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunidade Imprensa

Edisaun : Marsu 2010

Periodu : Marsu 2010

**TIMOR LESTE KANDIDATA SRA. MILENA PIRES ATU SAI MEMBRU KOMITE
CEDAW IHA ONU HODI REPREZENTA FETO TIMOR LESTE**

Unidade Justisa ba Feto ka Women Justice Unit (WJU), JSMP, ne'ebé durante ne'e hala'o monitorizasaun iha Tribunál distrital hotu ba kazu Violénsia bazea ba Jéneru, advokasia no halo analiza ba desizaun hotu hosi tribunál ba kazu Violénsia Bazea ba Jéneru hato'o kongratulasaun ba nomeasaun Sra. Milena Pires ba nia kandidatura ba membru Komite CEDAW.

Bazea ba publikasaun STL iha dia, 24 – Feveiriu 2010, no informasaun ne'ebe WJU hetan hosi Chefe Departementu Ligasaun iha SEPI katak, hafoin de apresenta tiha relatóriu CEDAW iha Nova Yorke iha fulan Jullu 2009, Timor – Leste hetan oportunidade atu kandidata peritu Timor oan ida ne'ebé mak iha kuñesementu diak no kle'an ba direitu feto atu sai membru komite CEDAW iha Organizasaun Nasoens Unidas (ONU), Nova Yorke, Estados Unidas Amerika.

JSMP mos kongratula Konsellu de Ministru ne'ebe ho fiar tomak hodi nomea Sra. Milena Pires nu'udar kandidatu ba membru komite CEDAW.

Desizaun ne'e la sala tanba Konsellu de Ministru fiar katak Sra. Milena Pires, nu'udar figura feto Timor oan ida ne'ebé kleur servisu iha asuntu jéneru, iha kualifikasaun edukasaun majestradu ba asuntos jéneru, membru ba Plata Forma Beijing, nomeadu nu'udar UNIFEM Country Representative iha Timor Leste husi 2005-2007 no desde tinan 1999 komesa servisu hamutuk ho organizasun feto to'o ohin lora no nafatin luta ba promosaun direitu feto iha nivel nasional nomos internasional.

JSMP mos rekuñese katak Sra. Milena Pires sai mos hanesan feto ne'ebé durante ne'e dedika ninia matenek tomak atu servi nasaun ida ne'e liu-liu luta hodi halakon diskriminasaun no violasaun hasoru feto no hamenus pobreza iha Timor - Leste.

JSMP hein katak katak Sra. Milena Pires ne'ebe' mak kleur ona luta ba igualidade jéneru bele kontribui diak liu tan ba esforsu luta ba eliminasaun diskriminasaun no violensia kontra feto iha Timor Leste no rai seluk..

Atu hetan informasaun klaru favor kontaktu;

Luis de oliveira sampaio

Diretur ezekutivu JSMP

Email: luis@jsmp.minihub.org

Landline:3323883